



## Besteforeldrenes klimaaksjon i Telemark

Forslag til landsmøtet

### OLJE-EVENTYRET MÅ TA SLUTT

Besteforeldrenes klimaaksjon held fast på vårt krav om å få ei styrt avvikling av norsk oljeverksemd:

#### **PLAN FOR FULL UTFASING AV NORSK OLJE- OG GASSUTVINNING**

#### **STANS ALL OLJELEITING PÅ NORSK SOKKEL**

Olje- og gass-verksemda har gitt landet vårt stor rikdom, mange har lagt ned stor arbeidsinnsats gjennom yrkesliv innafor oljeverksemd og leverandørindustri.

Det har gitt rikdom til staten og godt levebrød for mange, men òg med ein høg pris i form av rovdrift på arbeidarar med tap av liv og helse og med naturødelegging.

Den norske fossilindustrien gir eit betydeleg bidrag til klimaendringane.

Det er for lengst funne meir olje- og gassførekomstar enn kva som er forsvarleg å utvinne.

Det er heilt meiningslaust å fortsette leiting etter nye førekomstar, og slik verksemd skjer i dag i ekstra sårbare område med stor verdi for marint liv og matforsyning.

Diverre viser regjering og stortingsfleirtalet ingen teikn på å endre politikken, og denne saka om vår fossilindustri blir stadig skyvd unna i det politiske offentlege ordsiftet. Det kan da vera freistande å flytte fokus til område med mindre konflikt og mindre mektige motpartar.

Det er nettopp i denne situasjonen vår stemme er ekstra viktig, at Besteforeldrenes klimaaksjon stadig står fram med vårt mål om å få ei god framtid for komande generasjonar og veldig tydeleg markerer at dette er ei kjernesak i vårt arbeid.